

ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyon nga Iloko
Tawen XXXIX Blg. 21
Nobyembre 7, 2008
www.philippinerevolution.net

Editorial

Korapsyon iti tengnga ti krisis

Bimtak manen ti awanan patingga a korapsyon, kinabulok ken panagmaniobra ti rehimen nga Arroyo iti panagbettak manen ti dati ken baro a dadakkel a kaso ti korapsyon. Lallalo a timmampok ti usapin ita gapu iti nadumaduma a wagas nga aramididen daytoy tapno malappedan ti imbestigasyon kenni dati nga Undersecretary of Agriculture Jocelyn "Jocjoc" Bolante. Ni Bolante, hepe nga opereytor ni Arroyo idi 2004 iti panangkurakot ti P2.8 bilyon a pondo ti Ginintuang Masaganang Ani ket napasubli itay kallabes iti Pilipinas kalpasan a di pinagus-toan ti US ti dawat na nga *asylum* sadiay.


Awan nagdumaan dagiti maniobra itatta ti agturturray a rehimen iti pananglapped na iti daduma pay a mabalin nga agtestigo maipapan kadagiti krimen a pakairaman ti pamilya nga Arroyo. Ti desperado ken garapal a panagpadas ti rehimen nga Arroyo a lappedan nga agsarita ni Bolante iti Senado ket mangpakpakita ti nakaro a panagbuteng na a maibutaktak iti publiko ti nakaisagmakan na a korapsyon ken krimen a sigurado a mangpabettak iti pungtot ti umili.

Umarikattot ti rehimen nga Arroyo a patalinaeden a

nakaserra dagiti limed ti korapsyon iti pondo ti Ginintuang Masaganang Ani aglalo ket panggep da nga usaren manen ti kastoy nga iskema iti asideg nga eleksyon iti 2010. Iti singasing a badyet ti rehimen para iti 2009, nasurok P3.3 bilyon ti inlatang ni Arroyo a panggatang ken pangiwaras manen kano ti abono. Paset daytoy ti P7 bilyon a baro nga alokasyon para iti Ginintuang Masaganang Ani — ti programa nga inaramid a pagbagasan da Arroyo ken Bolante idi 2004. Agtutuon ti adu pay a plano da Arroyo ken dagiti alipures da tapno adadada pay a magamrud ti kinabaknang ti pagilian.

Ti panagkaro ti korapsyon ni Arroyo iti tawtawen a dandanin aggibus ti panagturray na ket paset dagiti panagsagana na tapno lallalo a maisigurado ti panagtalinaed na iti poder iti labes ti 2010. Ad-adda nga umirot ti kapet na iti poder iti sobra a panagdanag a bayadan na dagiti basol na iti pagilian.

Manopulo a bilion a piso a pondo ti ur-ur-uren ni Arroyo kas panagsagana iti sangoen na a pampulitika a labanan kagiddan ti panag-



Dagiti tampok ditoy nga isyu...

26 armas nasamsam,
43 kaswalti ti AFP-
PNP
PANID 4

7 detenido a kadua
iti Quezon, inlibas
ti NPA
PANID 5

Imperyalismo nga US
ken ni Obama
PANID 11

padas na nga agtalinaed iti poder iti labes ti agdama a termino na. Usaren na ti pondo a paggatang ti suporta dagiti pulitiko para iti iskema a cha-cha (*charter change* wenno panangbaliw ti konstitusyon) tapno mapalubusan a tumaray manen kas presidente wenno prime minister. Wenno saan ket usaren na ti ginabsuon a pondo tapno masigurado na nga ikut na pay ti kinatudyo dagiti mangabak a kandidato no matuloy man kas iti dati ti eleksyon iti 2010. Kagiddan daytoy, us-usaren ni Arroyo daytoy a pondo tapno gatangen ti kinatudyo dagiti opisyal militar ken pulisya no dumanon man isuna iti panangipataw ti turay militar no mapaay ti idurduron na a cha-cha.

Gapu ta umir-irteng ita ti sosyo-ekonomiko a krisis, ti tunggal sentimo a takawen ni Arroyo manipud iti pondo ti pagilian ket mangnayon iti apges ti agkirkirau a tiyan ti agmirmiraut nga umili. Iti panagtakaw ni Arroyo ti binilbi-lyon a piso, lallalo a mailumlom iti kinarigat ken pannakaidanes ken ad-adda nga agburek ti pungtot ti umili. Agluplupias dagiti bulsa da Arroyo bayat a milyon-milyon ti mabisbisin, awanan daga a ma-


sukay, awanan sabali a mapagtrabahoan, awanan nasimpa a balay a pagawidan. Nakaad-adu nga ad-da-an sakit a di makagatang ti agas, milyon-milyon nga estudyante ti mapwerpwersa a sumrek kadagiti nadadael nga eskwelaan nga awanan pasilidad ken milyon-milyon pay ti di man lang nakapagadal gapu iti kinarigat ken awanan masakbayan a manamnama.

Husgaan ti pakasaritaan ti rehimen nga US-Arroyo kas maysa kadagiti kabulokan a gubyerno a nagusar ti turay tapno aggamgam ti adu a kinabaknang ken mananglipit, a napalalo a paka-dangran ti umili.

Di rumbeng a palusuten ti umili ti agtutuoan a panaglangosot, panagswitik ken panagtakaw ni Gloria Arroyo. Di rumbeng a palubusan nga agbayag pay isuna iti poder. Ti amin a panaglangosot ken panagmaniobra ken ti tunggal kanito a panagtalinaed na iti poder ket us-usaren na tapno lallalo pay a manggamgam ken pairuten ti

kawar a manggalgalut iti umili. Rumbeng nga usaren ti umili ti amin a wagas tapno malapdan ti nadumaduma nga iskema ni Arroyo tapno mapapaut pay ti panagturay na. Rumbeng nga agtultuloy nga agpursige ti amin a pwersa a demokratiko, patriyotiko ken anti-Arroyo nga agkaykaysa iti sango ti panangpadas ti Malacañang a gudu-gudu-uaen ken pameken ida. Rumbeng a pandayen daytoy a panagkaykaysa tapno maurnong da ti pigs a mangpabagsak kenni Arroyo.

Lallalo nga agbalin a mulat ti umili a Pilipino iti pakasapulan ti rebolusyonaryo a panagbarangkas bayat a lallalo da a mailumlumlom iti kinarigat ken kinaatrasado iti tengnga ti agtultuloy a kumarkaro a krisis a sosyo-ekonomiko ken dagiti krimen ti agturturay a rehimen. Bayat a kumarkaro ti kinaulpit ti rehimen nga Arroyo, lallalo a tumibker ti determinasyon ti umili a daliasaten ti dana ti armado a rebolusyon. Iti panagpursige ti nalawa a rebolusyonaryo a tignayan babaen ti panangidaulo ti Partido Komunista ti Pilipinas (PKP), ken panagpursige ti amin nga anti-imperyalista, anti-pyudal ken anti-pasista a pwersa, ad-adda a pumigsa ken agsaknap ti panaglaban ti umili a Pilipino. Awan ressat ti panagpasnek dagiti rebolusyonaryo, patriyotiko ken demokratiko a pwersa iti panangitandudo iti inter-teret ti umili ken panangiyabante iti pannakidanga-dang da. Agtultuloy a pair-tengen dagiti taktikal nga opensiba dagiti armado a rebolusyonaryo a pwersa, dagiti dangadang ti umili ken adu pay a wagas ti panaglaban tapno wakasan ti panagturay ni Arroyo ken isaklang isuna iti panaghusga ti umili. **AB**



ANG Bayan

Tawen XXXIX Blg. 21 Nobyembre 7, 2008

Ti *Ang Bayan* ket maipabpablaak ti Pilipino, Bisaya, Iloko, Hiligaynon, Waray ken Ingles.

Mabalín nga i-download daytoy manipud iti Philippine Revolution Web Central a masarakan iti:

www.philippinerevolution.net


Umawat ti *Ang Bayan* kadagiti kontribusyon iti porma dagiti artikulo ken damdamag. Awisen mi dagiti agbasbas nga agipatulod kadagiti dillaw ken rekomendasyon para iti idudur-as ti dyaryo tayo. Ipatulod dagitoy babaen ti email iti:

angbayan@yahoo.com

Linaon

Editorial	
Korapsyon iti tengnga ti krisis	1
Panangpaulimek kenni Bolante	3
Naimballigan a TO	
26 armas nasamsam iti opensiba	4
43 aksyon militar ti NPA iti Samar	4
7 detenido iti Quezon, inlibas ti NPA	5
Operasyon dis-arma iti Davao Oriental	6
Panaglibas manipud iti kabusor	7
Kurso a pang-opisyal iti Eastern Visayas	7
Panangraut ti pasista nga estado	
Panangkamat kadagiti ligal nga aktibista	8
Target: Dagiti aktibista iti ST	9
Dagiti Moro, biktima iti militarisasyon	10
Imperyalismo nga US ken ni Obama	11
Damdama	12

Ti *Ang Bayan* ket ipabpablaak dua a beses tunggal bulan ti Komite Sentral ti Partido Komunista ti Pilipinas.



Panangpaulimek kenni Bolante

Gapu iti panangdeport ti US kenni dati nga Undersecretary of Agriculture Jocelyn “Jocjoc” Bolante idi Oktubre 28, saanen nga umubra ti dati nga aramid ti rehimen nga ilemmeng isuna iti pagilian wenno ipuslit isuna a paruar iti Pilipinas tapno makalisi iti imbestigasyon iti agtutuon a kaso ti korapsyon a sangsangoen na. Uray no kasta, awan sarday ti rehimen kadagiti palusot ken maniobra.

Ni Bolante ti kangrunaan nga opereytor ni Arroyo iti panagkurakot iti P2.806 bilyon a pondo ti Ginintuang Masaganang Ani a nausar iti kampanya ti administrasyon iti eleksyon idi 2004. Pinakakontrobersyal a paset daytoy ti P728 milyon a *fertilizer fund* a natatek kadagiti anomalya.

Addaan atas ti Senado idi pay 2005 nga ipaaresto ni Bolante, kalpasan ti maulli-ullit a panagliklik na nga agatender iti imbestigasyon ti Senado iti kaso. Impuslit isuna ti rehimen nga Arroyo a paruar iti pagilian idi 2005 ken dimmawat isuna ti *asylum* iti US idi 2006. Adda direkt a pagarup ti mayorya iti Senado a nagbasol ni Bolante ken kasapulan laengen a maala ti testimonya na tapno maipormal ti husga ken maiserran ti kaso.

Saan a naiplatar ti Mala-

cañang nga aramiden nga ala-Jun Lozada a panangtengngel kenni Bolante gapu ta nakatutok a husto ti midya ken publiko iti panagawid na. Ngem bayat a naidiretso iti St. Luke’s Medical Center iti Quezon City, no ania la ditan ti napanunot a maniobra ti rehimen tapno saan a sumango ni Bolante iti Senado ken iti kasta ket mapaulimek isuna.

Tapno bumayag pay iti ospital, no ania la ditan ti parparuaren da a sakit ni Bolante iti sango ti ibagbaga ti *medical bulletin* na nga istable ken normal ti kondisyon na. Naidiretso ni Bolante iti ospital kalpasan nga agreklamo daytoy a nasakit ti barukong na idi bimmaba iti eroplano iti Manila International Airport. Maisupadi iti ordinaryo a pasyente, saan a naidiretso iti *emergency room*, ngem ket di iti

maysa a nangina a kwarto ti St. Luke’s no sadino nga addan agururay a dodoktor. Immandar ni Dr. Ramon Saavedra, ti doktor ni Bolante, a saan nga umawat kadagiti bisita.

Kagiddan daytoy, ipapaapura ni Bolante iti Supreme Court nga aprubaran ti petisyon na para iti *temporary restraining order* (TRO) tapno lappedan ti Senate Sergeant-at-Arms nga arestoen isuna ken pasangoen iti Senado. Idi Nobyembre 3 ket imbabawi ti abogado ni Bolante ti petisyon para iti TRO gapu ta ti pudno ket naareston ti Senado ti kliyente na.

Kabayatanna, linuktan ti Department of Justice ti imbestigasyon ti Office of the Ombudsman iti kaso ti kurakot iti P432 milyon a pondo a pang-abono nga inkaso ti peryodista a ni Marlene Esperat laban kenni Bolante. Daytoy ket kalpasan a paturugen ni Ombudsman Mercedes Gutierrez, gayyem dagiti Arroyo ti kaso iti tallo a tawen.

Ti biglaan a pananglukat ti imbestigasyon ket maus-usar ita a rason tapno lappedan ti Senado iti bukod da nga imbestigasyon. Segun kada Sen. Edgardo Angara ken Juan Miguel Zubiri, dua iti kapepeklan a paradepensa dagiti Arroyo, agbanga laeng kano ti Senado ken ti Ombudsman no ipursige pay ti Blue Ribbon Committee ti imbestigasyon. Segun kenni Gloria Arroyo, agpaspasikat laeng dagiti senador ken kongresista nga agpursige a lukatan manen ti imbestigasyon iti *fertilizer fund scam* ken adu pay nga iskandalo a pakairamanan ti Malacañang.

Itay kallabes, nangiyuli ti petisyon para iti *writ of habeas corpus* ni Owen Bolante, anak ni Bolante, iti Court of Appeals. Ninamnama dagiti Bolante ken ti gunglo da Arroyo a pumabor iti administrasyon ti nasao a korte, kas ti nagbalin a padron ti nakaad-adun a desisyon na iti napalabas. AB



26 armas nasamsam, 43 kaswalti ti AFP-PNP

Dua pulo ken uppat a napipigsa a riple ken dua a pistola ti nakumpiska dagiti Nalabaga a mannakigubat ti Baro a Buyot ti Umili (NPA) iti adu a taktikal nga opensiba nga insayangkat dagiti gerilya manipud Oktubre 4 inggana Nobyembre 5. Duapulo ken tallo nga elemento ti Armed Forces of the Philippines (AFP), Philippine National Police (PNP) ken CAFGU ti natay ken 20 ti nasugatan kadagiti labanan.

Nobyembre 5. Maysa nga elemento ti CAFGU ti natay idi isnaypen dagiti Nalabaga a mannakigubat iti ruar ti detatsment da iti Sityo Balagonon, Barangay Managa, Bansalan, Davao del Sur.

Nobyembre 3. Maysa a soldado ti 57th IB ti nasugatan iti maysa nga engkwentro iti baet dagiti Nalabaga a mannakigubat ti NPA ken militar iti Sityo Talahek, Barangay Bacong, Tulunan, North Cotabato.

Nobyembre 1. Dua nga elemento met ti CAFGU ti nasugatan idi rauten ti Nalabaga a buyot ti detatsment ti militar iti Barangay Mararag, Marihatag, Surigao del Sur.

Oktubre 29. Innem a riple nga M16 ken maysa a kalibre a .38 rebolber ti nasamsam dagiti Nalabaga a mannakigubat ti NPA iti Jose C. Aquino Rubber Company, maysa a plantasyon ti goma iti Barangay Sta. Teresita, Bayugan City, Agusan del Sur. Kagiddan daytoy, kinumpiska dagiti gerilya ti M16 ti maysa a sarhento ti AFP iti maysa a tsekpoynit nga intakder dagiti gerilya iti Barangay San Jose, Prosperidad, Agusan del Sur.

Oktubre 25. Sangapulo ken innem a napipigsa nga armas ti nakumpiska ti NPA ken milisyang bayan idi rauten da ti detatsment ti CAFGU ti 37th IB nga adda iti uneg ti plantasyon ti Dole-Stanfilco iti Barangay Luna Sur, Makilala, North Cotabato. Maysa nga elemento ti CAFGU ti natay ken maysa

a sarhento ken tallo pay nga elemento ti CAFGU ti nasugatan.

Inambus met ti maysa pay a grupo dagiti Nalabaga a mannakigubat dagiti soldado ti 57th IB manipud iti Barangay Luna Norte a mangreimpors koma iti nareyd a detatsment.

Segun kenni Ka Dencio Madrigal, tagapagsarita ti Valentin Palamine Command ti NPA iti Far South Mindanao, ti nasao a reyd ket aksyon a pannusa iti Stanfilco iti panaggamgam na ti daga ti babassit a mannalon ken pananglipit kadagiti mangmangged na. Iti agdama, nasurok 30,000 ektarya ti

kalawa dagiti plantasyon ti saba ken pinya ti Dole-Stanfilco iti rehiyon.

Sakbay daytoy ket pinangtaanen ti NPA ti Stanfilco nga isardeng nan ti panaggamgam ti daga ken ipangag dagiti reklamo ken kiddaw ti umili. Ngunit imbes a denggen ti arungaing ti umili, lalalo pay a nagbalin nga agresibo ken pasista ti panangsango ti Dole-Stanfilco kadagiti mannalon ken mangmangged. Ninayonan na pay ti taoan ti detatsment ken pinapigsa ken pinasansan dagiti operasyon militar iti plantasyon.

Oktubre 25. Maysa a soldado ti 66th IB ti nasugatan idi ambusen dagiti gerilya ti NPA ti trak a nagluganan dagiti soldado iti Barangay Olaycon, Monkayo, Compostela Valley. Sakbay daytoy, maysa a soldado ti natay idi rauten dagiti gerilya ti NPA ti detatsment ti Special Forces Battalion ti Philippine Army iti Barangay Canidkid, Montevista, Compostela Valley.

43 aksyon militar, inwayat ti NPA iti Samar

INNEM a pulo ken siyam nga elemento ti kabusor ti natay iti nagsasaruno nga aksyong militar nga insayangkat ti Baro a Buyot ti Umili (NPA) iti isla ti Samar manipud Enero inggana umuna a lawas ti Septiembre. Dua a pulo ken lima nga elemento ti kabusor ti nasugatan iti nasao a labanan bayat a lima a Nalabaga a mannakigubat ti namartir. Sangapulo ken lima a nangangato a kalibre nga armas ti nasamsam ti NPA.

Segun iti pakauna a report ti Regional Operations Command ti NPA iti rehiyon, manipud Enero inggana Septiembre 6 ket nakaiwayat ti NPA iti isla ti 43 aksyon militar iti probinsya ti Samar, Northern Samar ken Eastern Samar. Pakaibilangan daytoy ti maysa a reyd, lima nga ambusen, 29 operasyon nga isnayping/harasment, pito nga *special operation* ken maysa a dis-arma. Simmango ken narimbawan met ti NPA ti innem a dependsiba ken lima nga engkwentro.

Iti 43 aksyon militar, 24 ti naiyaramid iti Samar, 15 iti Northern Samar ken uppat iti Eastern Samar.

Dagiti agtultuloy nga aksyong militar ket inwayat ti NPA kas paset ti kampanya tapno paayen ti panangdangran iti isla ti Oplan Bantay Laya 2.

AB



Oktubre 24. Walo a soldado ti natay, maibilang ti opisyal da a tinyente, idi ambusen dagiti Nalabaga a mannakigubat ti NPA ti agpatpatrulya a tropa ti 66th IB iti Barangay Manurigao, New Bataan, Compostela Valley.

Oktubre 23. Maysa nga elemento ti CAFGU ti natay ken uppat pay ti nasugatan idi rauten dagiti Nalabaga a mannakigubat ti de-

tatsment ti CAFGU ti 72nd IB iti Paquibato District, Davao City.

Oktubre 23. Walo a soldado ti natay ken tallo ti nasugatan idi patuduan ti bala dagiti Nalabaga a mannakigubat ti Nerissa San Juan Command (NSJC) ti NPA-Catanduanes ti abong a pagkamkampanan da. Segun iti ulat ni Ka Theresa Magtanggol, tagapagsarita ti NSJC, ginundawayan dagiti kadua ti

bannog dagiti tropa ti Philippine Army ken CAFGU nga agin-inana iti maysa a bakante a kalapaw iti Barangay Hilawan, San Andres, Catanduanes. Sumagmamanon nga aldaw nga agdakdakiwas ti kabusor iti agkakabangibang a barangay ti Tibang, Barihay ken Hilawan bayat a monmonitoren met ida dagiti gerilya. Iti buteng a matamaan da kadagiti bala, nagtataray a paadayo iti lugar ti labanan ti maysa pay nga iskwad ti militar nga agin-inana met iti kaasideg a lugar.

Oktubre 19. Maysa nga abusado a pulis ti kinumpiskaan dagiti Nalabaga a gerilya ti kalibre .45 pistola ken maysa a riple nga M14 iti palengke ti Escalante City, Negros Occidental.

Oktubre 13. Maysa nga elemento ti CAFGU ti nasugatan idi rauten dagiti gerilya ti NPA ti detatsment ti 72nd IB iti Sityo Bukobuko iti Anay, Barangay Kingking-Poblacion, Pantukan, Compostela Valley.

Oktubre 13. Dua a soldado ti natay idi ambusen dagiti Nalabaga a mannakigubat ti maysa a trak ti militar iti Talaingod, Davao del Norte. Sakbay daytoy, maysa nga elemento ti CAFGU ti natay idi rauten ti NPA ti detatsment ti 72nd IB iti Barangay Palma Gil iti nasao nga ili.

Maysa pay nga elemento ti CAFGU ti nasugatan idi pauptukan dagiti gerilya ti nagtipon a pwersa ti 72nd IB ken CAFGU iti Sityo Likupon, Barangay Sanghay, Mati, Davao Oriental.

Oktubre 4. Tallo a soldado ti 29th IB ti nasugatan idi tambangan dagiti Nalabaga a gerilya ti komboy da iti Sityo Kapihan, Barangay Concepcion, Valencia City, Bukidnon.

Awan ti naireport a kaswalti iti benneg dagiti Nalabaga a mannakigubat kadagitoy amin a takitikal nga opensiba.

7 detenido a kadua, inlibas ti NPA iti Quezon

AWAN putok a nagreyd dagiti Nalabaga a gerilya ti Apolonio Mendoza Command (NPA-Quezon) idi Oktubre 25 iti Quezon Provincial Jail iti Lucena City ken inlibas ti pito a kadua a nakadetenid sadiay. Naiyaramid ti reyd iti uneg ti sangapulo a minuto laeng.

Tapno makastrek iti baludan, dagiti Nalabaga a mannakigubat ket nagpammarang nga elemento ti Special Weapons And Tactics (SWAT) ken Philippine Drug Enforcement Agency (PDEA) a mangala ti preso. Intayming da ti panagraut iti panawen ti panagsukat ti gwardya. Bayat a rumrumuar dagiti agawiden a gwardya, nakauray met dagiti Nalabaga a gerilya iti ruangan.

Sigida a tinutukan, pinadapa ken dinis-armaan dagiti gwardya ti lima a rebolber da sakbay a naikulong da kakuyog ti dadduma pay a gwardya. Maysa a *private security guard* ti nagpadas a tumulong manipud iti kaasideg a bilding ngem hinarang isuna dagiti Nalabaga a mannakigubat, nakumpiska ti *shotgun* na ken inkuyog da iti immunan a naikulong a gwardya.

Naglugan iti uppat a *van*, sigida nga immatras iti agsasabali a direksyon dagiti gerilya kalpasan ti naimballigian a panangilibas. Dua a pulis ti nasugatan idi harangen da dagiti gerilya a nakalugan iti maysa a *van* iti maysa a tsekpoynit iti Barangay Iyam, Lucena City. Pinurwakan dagiti Nalabaga a mannakigubat ti granada dagiti pulis sakbay a sigida a nakatakas.

Ti natured nga operasyon ti NPA ken naiyaramid iti sentro a paset ti Lucena City no sadino a masarakan met ti Quezon Convention Center, Regional Trial Court, Philippine National Red Cross ken ti kapitolyo ti prubinsya. Asideg met ti Quezon Provincial Jail iti Camp Guillermo Nakar, sentro a hedkwarter ti Southern Luzon Command.

Maysa a bulan a sinubaybayan dagiti gerilya ti garaw ti kabusor sakbay a naiyaramid ti operasyon. Pito a pistola ken maysa a *shotgun* ti nasamsam da ditoy nga espesyal nga operasyon.

Maikaduan daytoy a pasamak ti panangilibas kadagiti detenido pulitikal iti Southern Tagalog. Idi Enero 14, 2006, inlibas met dagiti Nalabaga a mannakigubat ti Edgardo Dagle Command ti siyam a gerilya ti NPA a nakakulong iti Batangas Provincial Jail iti Batangas City.

AB

AB



Operasyon dis-arma iti Davao Oriental Provincial Jail

Daytoy nga artikulo ket naggapu iti ulat koresponsal manipud kadagiti kadua iti 3rd Pulang Bagani Command ti NPA iti Southern Mindanao.

Natured met ti insayangkat nga operasyon dis-arma dagiti Nalabaga a mannakigubat iti Davao Oriental Provincial Jail iti Mati City idi Mayo 19. Dagiti gerilya ket kameng ti 3rd Pulang Bagani Company, kakuyog ti saggaysa nga iskwad ti Front 2 ken Front 27.

Iti uneg laeng ti agarup 15 minuto, naserrek dagiti Nalabaga a mannakigubat ti *provincial jail* a mano laeng a kilometro ti kaadayo na iti *city hall* ti Mati. Nasamsam da ti dua nga M16, maysa nga M14, dua a Garand, tallo a karbin, dua a *shotgun*, dua a pistola a 9 mm, maysa a .45, maysa a .357 ken adu a bala. Nakasamsam met dagiti gerilya kadagiti magasin, 12 posas, maysa a *base radio* ken *hand-held radios*.

Awan panangipagarup dagiti gwardya ti *provincial jail* a dagiti gerilya ti NPA dagiti unipormado a nakalugan iti dua a trak ken maysa a *van*. Impan a dagus ti *strike squad* ti NPA dagiti gwardya iti *gate* a sumrek iti opisina ti *jail warden* bayat a dua pay a tim dagiti gerilya ti napan iti torre ti *guard house*, iti purok a pagis-istambayan dagiti gwardya ken iti maysa pay a torre a kaabay ti armori. Ti maysa pay nga iskwad ket adda iti ruar ken agob-oberba iti garaw dagiti gwardya.

"*Armas lang among tuyo.*" (Armas laeng ti ranta mi). Daytoy ti imbaga dagiti gerilya kalpasan da nga agpakaammo a gerilya ti NPA ken nagdeklara ti panagdis-arma. Nabigla dagiti gwardya. Iti sobra a buteng ket awan ti naaramidan da no di ited a naulimek ti iggem da a *shotgun*. Saan met a nakagaraw ti *jail warden*.


Bayat a maiyar-aramid ti panagdis-arma, adda dagiti preso a

nagpahayag ti panagyaman gapu ta segun kadakuada, naserrek met laengen ti nasao a baludan a pagammo iti korapsyon ken naikkan ti leksyon dagiti abusado a gwardya. Adda sumagmamano a preso a kriminal a dimmawat a mawayaan da, ngem gapu ta sumursurot dagiti Nalabaga a mannakigubat iti prinsipyo ti rebolusyonaryo a hustisya ken

saan nga iti simple a panangyawaya laeng iti sinnoman a naukulong, saan da a pinugustoan ti nasao a dawat. Uray no kasta, idi immatras dagiti kadua, adda preso a nagpukkaw ti "Mabuhay ang NPA! Agbiag ti rebolusyon!"

Dimmanon iti PNP ti report maipapan iti reyd ngem awan ti naaramidan dagiti pulis no di harangan ti kalsada nga agturong iti hedkwarter da. Kuna dagiti bombero a nakapwesto iti asideg, nalaing laeng kano nga umatake iti litson dagiti pulis, ngem no atakien ida ti kalaban ket saan dan a maka-respondede.

Naragsak ti umili idi makita da dagiti kadua kalpasan ti taktikal nga opensiba gapu ta awan ti nasayang a bala ken awan ti biag a napukaw iti intar dagiti kadua. **AB**



Panaglibas manipud iti kabusor

"Sibubukel ti riknak iti dayta nga aldaw a saanak nga agpatiliw a sibibiag iti kabusor ken nakaukit iti panunot ko a sisasaganaak a matay tapno laeng makalibas!"

Daytoy ti imbaga ni Kadua Don, maysa a Nalabaga a mannakigubat iti maysa a probinsya iti Southern Tagalog a nakatakas iti ima ti kabusor kalpasan ti 17 aldaw a detensyon.

Natiliw da Ka Don ken dua pay a mannakigubat idi Septiembre iti tengnga ti panangiyaramid ti gawaing paniktik kas panagsagana iti maysa a taktikal nga opensiba.

Idi matiliw da ken maipan iti kampo militar ket sigida a naipauneg da iti sikolohikal a tortyur. Napangtaan da a mairaman ti pamilya da no saan da a makitinulong iti kabusor. Ti kadua na ket di nakapagbayag iti kastoy a pangta ken napilitan a mangted ti impormasyon iti kabusor. Ngem ni Ka Don ket natibker ken saan a kimmapsut iti sango ti kabusor.

Pinadas met ti kabusor a pasuk-

sukan ni Ka Don ti dakkal a kwarta no itudo na ti dadduma pay a kadua. Saan nga immepekto daytoy kanyana.

Idi maika-15 aldaw ti panakaibalud ti kabusor, nagplanon ni Ka Don nga aglibas iti kampo. Immuna a pinadas na a dumalan iti ruangan ti kulungan ken tumaray ngem

adda kabusor a nakapwesto idiay iti dayta nga aldaw. Kabigatan na ket nairana nga adda agbambantay a soldado iti aglawlaw. Idi sumaruno pay nga aldaw

ket nakakita isuna ti gundaway idi masiiman na nga agbarbartek dagiti soldado.

Nagpakada laeng iti pada na a detenido nga alaen na ti imbilang na a bado na. Ngem apaman a naala na dagiti bado na ket sigidan a binalkot na dagitoy, sa nagtaray a paruar iti kulungan.

Idi makaruar, kasapulan pay a labsan na dagiti *barbed wire* a nanglikmut iti detatsment ken da-



Kurso a pang-opisyal ti NPA iti Eastern Visayas, umab-abante

Sangaribo nga opisyal ken kadre ti Partido ken Baro a Buyot ti Umili (NPA) iti Eastern Visayas ti nakapagturpos ti espesyal a kurso a panagsanay pang-opisyal manipud idi luktan ti Efren Martires Command ti NPA ti eskwelaan a pulitiko-militar idi Disyembre 2007.

Paset ti espesyal a kurso ti panagadal kadagiti linteg ti gubat iti kabuklan, dagiti adal manipud iti gubat a gerilya iti China ken Vietnam, dagiti partikular a galad ti gubat ti umili iti Pilipinas ken dagiti adal manipud iti kapadasan ti gubat a gerilya iti rehion. Taltalmegan met ti kurso ti panagdirehe ti gera iti taktikal a tukad (a kas ti maysa nga aksyon militar) ken operasyunal a tukad (kas ti serye dagiti aksyon militar iti nalawa a saklaw ken panawen).

Iti teoretiko a panagadal, naikumbina ti lektura

ken dagiti *workshop* ken panagadal dagiti napili a kapadasan wenno case study. Naiyaramid met ti sumagmamano a *military exercise* ken *drill* tapno maaddaan ti istandardisasyon iti panangiwanwan ditoy dagiti opisyal iti bukod da a yunit wenno erya. Naisingit ti panagsanay iti opisyal iti istap batay iti pakasapulan, kas iti *crash courses* iti gawaing paniktik ken komunikasyon. Adda partikular met a panagsanay iti opisyal a pampulitika iti iskwad ken platoon.

Iti lima a bats a nagturpos kadagiti kurso iti eskwelaan, dumanon iti innem inggana sangapulo nga aldaw dagiti panagsanay. Segun kadagiti nagturpos, signipikante ti nainayon iti kumpyansa ken kaammoan da iti panangidaulo ken panagdirihe kadagiti laban ken kampanya a militar. AB


giti naraniag a silaw iti uneg ti kampo. Dandani 20 hilera ti *barbed wire* ti sinalput na. Nasugatan isuna bayat a daldaliasaten na ti agarup maysa nga ektarya a kadakkel ti kampo.

Apagruar na iti detatsment ket dinaliasat na ti haywey tapno makapan iti baryo nga ammo na. Adda gundaway nga adda nasabat na a soldado, isu a nagpaigid tapno saan da a mabigbig. Agarup tallo nga oras ti pinagna na sakbay a madanon na ti maysa a baryo nga ammo na nga adda makatulong kaniana.

Parbangonen idi dumteng iti baryo. Mawaw unayen ken agpigpigerger iti lammin ken bannog iti kaadayo ti pinagna na. Napan iti maysa a kubo ken idi maluktan ti ruangan ket inyam-ammo na ti baggi na kas mannakigubat ti NPA. Inlawlawag na iti akinkukua ti balay a naglibas isuna iti kampo ken dumawat ti tulong a makasilpo iti NPA.

Idi damo ket nagdanag ti akinkukua iti balay ken nagkitakit a tumulong. Ngem indanon na kadagiti Nalabaga a mannakigubat nga idi ket adda iti baryo nga asikasuen ni Ka Don. Sigida met a pinakan ken pinaturog ti kakadua.

Saan a nagbayag ket simmangpet ti maysa a tim ti Nalabaga a mannakigubat tapno kasarita ni Ka Don. Inadal ti liderato ti yunit ti naireport a resulta ti interbyu kenni Ka Don ken nakumbinsi da a pudno ti insalaysay na. Karabian na ket pinaala da ken pinatipon iti yunit.

Nasayaat ti desisyon ni Ka Don nga agtalinaed a natibker bayat nga adda iti gemgem ti kabusor ken ti nasayaat a panagplano na nga aglibas. Pakaadawan daytoy ti adal para iti sinnoman a kadua a maipisok iti kastoy a sitwasyon a maadaan ti pigsas ken kired ti pakinakem a sangoen dagitoy a pasamak. 

Panangkamat kadagiti ligal nga aktibista, agsaksaknap

Iligal a panagaresto kadagiti personahe ti ligal a demokratiko a tignayan ken panangidarum kadagiti palso a kaso a kriminal laban kadakuada ti pinakatampok kadagiti kaso ti pananglabsing iti karbengan-tao a nakalap ti *Ang Bayan*.

Nobyembre 6. Pinalpaltugan dagiti lalaki a nakalugan iti uppat a motorsiklo inggana a natay ni Danny Qualbar, *municipal coordinator* ti Bayan Muna iti Compostela, Compostela Valley. Agawid idi ni Qualbar iti balay na idi maambus iti munisipalidad ti Osmeña iti nasao a probinsya alas-5:30 ti malem.

Nobyembre 6. Dandani natay ni Arnold Cerdo, bise presidente ti Sensuous Union Labor Organization ken istap ti Cabuyao Workers Alliance. Kasarsarita idi ni Cerdo ti bayaw na iti balay na iti Riverside, Calamba City alas-9:30 ti rabii idi paltugan ida ti dua a lalaki a nakabonet. Dandani taman ti bala ti rupa ni Cerdo.

Nobyembre 4. Imbasura ti korte ti petisyon para iti *writ of amparo* ti pamilya ni Mary Grace Delicano, myembro ti Gabriela nga ilegal a naaresto idi Septiembre iti Bacolod City. Daytoy ket iti laksid ti iregularidad iti panagaresto ti PNP kenni Delicano. Nailanad iti mandamyento de aresto nga inusar iti panangkemmeg kenni Delicano ket para iti maysa nga addaan alyas a “Kim” nga akusado iti panagtakaw mainaig iti maysa a reyd ti NPA iti Escalante, Negros Occidental idi Marso 2005 no sadino a nakasamsam ti NPA ti siyam nga armas. Awan ti aniaman a panangibaga iti nagan ni Delicano iti mandamyento. Ken pinaamyenda laengen ti pulisya iti korte ti mandamyento a ni Delicano ken ni “Kim” ket maymaysa kano kalpasan a naaresto ni Delicano.

Oktubre 31. Pinanggep a lappedan ni Lt. Col. Manuel Sequitin, hepe ti 66th IB ti panagbakwit ti agarup 300 pamilya manipud iti Barangay Andap, New Bataan, Compostela Valley idi Oktubre 31 iti sango ti peligro iti biag da gapu kadagiti operasyon militar iti lugar da. Agturong iti sentro ti New Bataan dagiti sibilyan idi lappedan ida ti militar a nagkuna nga iti Sityo Mother of Perpetual Help laengen nga agbakwit da, uray no asideg daytoy iti lugar dagiti labanan ti militar ken NPA. Naipilit dagiti sibilyan nga agturong da iti poblasyon, no sadino nga adda temporaryo nga *evacuation center* iti New Bataan Gym. Nagtalinaed dagiti sibilyan iti poblasyon ti New Bataan inggana Nobyembre 1. Bunga ti serye dagiti operasyon militar, inkabil iti *state of calamity* ti mayor ti New Bataan ti Barangay Andap ken kabangibang a Barangay Manurigao.

Oktubre 31. Biktima ti harassment ti reporter a ni Loreto Rosario, reporter ti dxMS, idi ireport na ti pannakapuor ti Field Supply Support Unit ti AFP nga adda iti uneg ti Camp Siongco iti Datu Odin Sinsuat, Shariff Kabunsuan. Segun kenni Rosario, sinita isuna ni Col. John Oswald Bucu, kumander ti Camp Siongco, kinumpiska ti *press card* ken dagiti *cellphone* na ken binagaan a pakialamero.

Oktubre 30. Kinemmeg ti nagtipon nga elemento ti

Caloocan Police ken Intelligence Service of the AFP ni Norberto Murillo Sr., 52, iti balay na iti Camarin, Caloocan City. Ni Murillo, nga inakusaan nga opisyal ti Partido Komunista ti Pilipinas (PKP) ket iligal a tiniliw batay iti palso a kaso ti panangpatay mainaig iti napasamak kano a purga iti Hilongos, Leyte idi 1985.

Oktubre 24. Palso a kaso a panangpatay ken panagtakaw ti inusar a basaran tapno arestoen ti agassawa a Margie Lupo Navia ken Donato Palo iti Barangay Bolo, Labrador, Pangasinan. Da Navia ken Palo, nga inakusaan nga opisyal ti PKP iti Quezon ket inaresto dagiti pulis ti Pangasinan bayat nga agbibiyaha agturong iti balay ti kabagian da. Naipan da iti hedkwarter ti 3rd Intelligence Service Unit ti Philippine Army iti Tarlac.

Oktubre 13. Maysa a lalaki ti nakaro a nasugatan kalpasan a matamaan ti *shrapnel* manipud iti M203 a pinabettak dagiti soldado iti Barangay Sanghay, Mati, Davao Oriental. Agbambantay idi iti store ni Isidro Gerona, 60, idi naglalaban ti NPA ken dagiti elemento ti 72nd IB iti asideg. Nagtataray ti pamilya a Gerona para umadayo iti putukan ngem nabati ti ama da. Sinublian ti anak na kalpasan a mangngeg ti panagbettak ti granda manipud iti M203 iti balay da. Nakita na a dara-dara ama na ken natay ti aso da gapu iti tama ti *shrapnel*. Nadadael met ti panganan da. Segun iti anak ti biktima, nagtultuloy ti awanan ressat a panagpaputok dagiti sundalo uray no nabayagen a nakapanaw dagiti gerilya ti NPA. AB

Target: Dagiti aktibista iti Southern Tagalog

Sumangsango itatta iti nakaro a kampanya ti hasasment dagiti lider-masa ken aktibista ti hayag a demokratiko a tignayan iti Southern Tagalog. Uppat a pulo a lider ken myembro dagiti progresibo nga organisasyon iti rehiyon ti kinasoan ti rehimen nga Arroyo kadagiti palso a kaso a kriminal. Dua a pulo ken pito kadakuada ket akusado iti panangpuor ti Globe Telecommunications *cell site* iti Lemery, Batangas idi Agosto.

Kabayatanna, 17 kadagiti akusado iti kaso ti Globe ket naidarum met ti kaso a *murder* mainaig ti maysa nga ambus ti Baro a Buyot ti Umili kadagiti elemento ti PNP Regional Mobile Group iti Puerto Galera, Oriental Mindoro idi Marso 3, 2006 no sadino a dua a pulis ti natay ken tallo ti nasugatan. Pito pulo ken dua a katao ti kabuklan a bilang dagiti akusado iti kaso iti Mindoro Oriental, ken 30 kadakuada ket hayag a lider-masa ken aktibista.

Saggaysan a makemkemmeg itatta dagiti akusado kadagitoy a kaso.

Pinakaprominente a biktima ni Atty. Remigio Saladero, hepe nga abugado ti KMU. Iligal nga inaresto ti nagtipon nga elemento ti Antipolo Police ken Military Intelligence Group 4A ti ISAFP iti taeng na iti Antipolo City idi Oktubre 23 ken naipan kabigatanna iti Calapan

City, Mindoro Oriental para iti bista ti balbalatong a kaso a naidarum laban kanyana. Maysa met ni Saladero kadagiti akusado ti *arson* mainaig ti panangpuor iti *cell site* ti Globe Telecommunications.

Idi met Nobyembre 3 ket naaresto ni Rogelio Galit, tagapagsarita ti Kalipunan ng mga Magsasaka sa Kabite (Kamagsasaka-Ka) iti balay na iti Silang, Cavite mainaig ti kaso iti Oriental Mindoro. Maysan a tawen nga agsak-sakit ni Galit gapu iti *diabetes* ken naikeddeng a maoperaan idi tiliwen ti 15 elemento ti Cavite PNP ken *regional intelligence*. Naipan isuna iti kabigatan-

na iti *provincial jail* iti Calapan, no sadino a nakadetine met ti tallo pay a kapareho na nga akusado a da Attorney Saladero, Nestor San Jose ken Crispin Zapanta. Ni Zapanta, *coordinator* ti Bayan Muna iti Antipolo City net naaresto idi Oktubre 27.

Nadagsen a kinondena ti nadumaduma a progresibo nga organisasyon ti may-aramid a panangkamat kadagiti lider-masa ken aktibista ti Southern Tagalog. Kuna ni Bayani Cambronero, *regional coordinator* ti Bayan Muna-Southern Tagalog, ti kampanya ti pananglipit ket paset ti panangkriminalisa kadagiti aktibista. "Idar-

darum na kami ti gubyrno nga Arroyo kadagiti palso a kaso gapu iti pannakapaay a pagulimeken na kami babaen ti ekstrahudisyal a pampapatay," kunana. AB





Umad-adu a sibilyan a Moro ti biktima ti militarisasyon

Umad-adu ti bilang dagiti sibilyan a Morong a biktima ti narurung-sot nga operasyon militar ti Armed Forces of the Philippines (AFP) iti adu a paset ti Mindanao.

Segun iti ulat ti International Committee of the Red Cross (ICRC) idi Oktubre 29, iti *evacuation centers* iti Datu Piang, Maguindanao laeng ket addan 55,000 indibidwal a nagbakwit iti balbalay da, manipud iti 35,000 katao idi Agosto. Manipud Agosto inggana maikatlo a lawas ti Oktubre, dumanonen iti 127,164 pamilya wenno 611,753 indibidwal ti apektado kadagiti labanan iti baet ti MILF ken AFP kadagiti probinsya ti Lanao del Norte, Lanao del Sur, Sultan Kudarat ken Maguindanao.

Nasaknap ti riribuk. Ti nakaro a militarisasyon ket nangted ti adu a problema iti panunot dagiti bakwit. Segun iti reserts ti Commission on Human Rights (CHR) idi Oktubre, nasaknap dagiti senyales ti *traumatic distress* kadagiti bakwit kas ti nakaro a panagdanag, managbuteng ken sobra a panagsuspetsa. Dagitoy a sintomas ket nakita kadagiti bakwit manipud iti Lanao del Norte a nagbakwit agturong iti Kauswagan ken Kolambugan iti nasao a probinsya ken iti 17 pay nga *evacuation center* iti Ozamiz City ken Tudela iti kabangibang a probinsya ti Misamis Occidental. Kuna ti CHR, maysa a rason daytoy ti buteng dagiti bakwit gapu iti panagwaras dagiti tsismis nga adda umadani a labanan iti baet ti AFP ken MILF.

Mariribukan met uray dagiti Moro nga agnanaed pay laeng iti barbaryo da. Segun iti *Luwaran*, ti *website* ti MILF, adu a residente ti Barangay Inas ken Dungguan iti Mlang, North Cotabato ti nagbalkot ken nagsagana nga agbakwit kalpasan a rugian ti militar ti panagsensus kadagiti residente a Moro idi Oktubre 18. Awan ti inted a rason dagiti soldado iti ar-aramiden da a panagsensus isu a nagsuspetsa dagiti Moro iti lugar nga adda "lutlutoen" ti militar laban kadakuada.

Saan a nakakaskasdaaw ti buteng a marikrikna dagiti Moro iti nasao a lugar. Dua nga aldaw sak-

bay a rugian dagiti soldado ti sensus iti Mlang, tallo a sibilyan ti dinukot dagiti elemento ti 40th IB iti Barangay Nalapaan iti kaasideng nga ili ti Pikit, North Cotabato. Dagiti dinukot ket da Rahman Suleik, anak na a ni Taurin Suleik ken ni Tontongan Dilanggalen.

Iti kabangibang a probinsya ti Maguindanao, innem a katao ti basta laengen nga inaresto iti Barangay Linantangan, Mamasapano idi Oktubre 16 ken binugbog. Nabigbig dagiti biktima a da Aladin Lamalan, Ding Datuan, Alimudin Ibrahim, Daud Ibrahim, Binyamin Abdulatip ken maysa nga agnagan ti Kaumbo. Iggem pay laeng ti militar ti uppat kadakuada.

Nasurok 100 balay dagiti sibilyan ti pinuoran dagiti soldado iti Barangay Nimao ken Andabit iti Datu Piang, Maguindanao idi tengnga ti Oktubre, segun met iti *Luwaran*.

Dagiti bakwit, bisbisinen ti AFP. Kabayatanna, marigatan la ngaruden dagiti bakwit ket papaidaman pay ida ti AFP iti kasapul-an da nga ayuda. Linapdan dagiti soldado ti 54th IB idi Oktubre 23 ti maysa a komboy ti United Nations World Food Programme idi lumabas iti maysa a tsekpyont iti Dapiawan, Datu Piang, Maguindanao nga addaan awit a makan.

Para koma iti ginasut a pamilya a bakwit iti Libutan, Mamasapano, Maguindanao a mabisbisinanen manipud idi pariten ida dagiti soldado nga agrabaho iti taltalon da ken anien dagiti produkto da. Dagiti makatured a mapan iti taltalon da ket mapaltugan. Dua a mannalon ti nasugatan, segun iti *Luwaran*. **AB**



Agtultuloy dagiti imperyalista a patakaran ti US iti turay ni Obama

Ti sumaganad ket naadaw iti pahayag nga inruar ti Partido Komunista ti Pilipinas idi Nobyembre 7.

Isarsarming ti panangabak ni Barack Obama iti eleksyon a pampresidente iti US ti nasaknap a panangilaksid ti umili nga Amerikano iti militarista ken neo-konserbatibo a rehimen a Bush. Ni Obama, a timmaray iti uneg ti Democratic Party, ket nangiladawan iti bagi na kas kabaliktad kano ti Republican a ni George W. Bush. Ginundawayan na ti agdama a nakaro ken nasaknap a disgusto ti umili nga Amerikano iti rehimen a Bush, aglalo iti sango ti dadakkel a pampulitika ken pangmilitar a pannakapaay ti US iti Iraq ken Afghanistan ken ti kakaroan a krisis pang-ekonomya iti US manipud idi Great Depression.

Ngem aniaman a pagdumaan da Obama ken Bush ket kumudrep no kitaen ti patakderan da maipapan kadagiti agtultuloy nga imperyalista a patakaran ti hegemonismo, panaggamrud ken gerra. Ipakpakita ti batayan a panagpareho da iti pagtakderan da maipapan ditoy nga ibagbagi da laeng ti dua a pakasyon ti monopolyo burgesya ti US.

Ti mapasasamak nga umun- uneg a resesyon ken desperasyon iti US ken sangalubongan a sistema a kapitalista ket mangidurduron iti US a paitengen ti imperyalista a pananggundaway, panaggamrud ken panangidadanes iti bukod da a pagilian ken kadagiti mala-kolonya na, aggandat ti adu pay nga erya ti ekspansyon ken agiwayat kadagiti gerra a kontra-rebolusyon ken gerra nga agresyon.

Agtultuloy a palawaen ti US ti *military-industrial complex* na, mangipakita ti pigsa-militar ken agiwayat ti dadakkel ken babassit a gerra tapno iduron ti hegemonismo na, lappedan dagiti karibal na a kissayan ti nasaknap a turay ken mangagaw ti baro a markets ken teritoryo tapno mapapigsa pay ti panaggamgam ken impluwensya ti US. Ni Obama ket agserbi a baro a kangrunaan nga instrumento laeng ti amin dagitoy. Agserserbi a mangallilaw a pangkalub iti agre-

syon ken hegemonismo ti imperyalismo nga US ti populista a retorika ni Obama.

Ti agpayso ket paulli-ullit nga inyendorso ni Obama ti terorista a gerra a rinugian ni Bush. Insi- ngasing na ti panangnayon ti 10,000 tropa iti Afghanistan ken panagiwayat kadagiti *unilateral strike* iti bed- deng na ken iti Pakistan, tapno kano kama- ten ti al-Qaeda. Bayat nga agpampana- wagan a paawiden na dagiti tropa nga Amerikano manipud iti Iraq, inlawlawag na a rumbeng kano nga ituloy ti US ti presensya militar na sadiay tapno sigura- doen a maipatungpal ti aso-aso a gubyerno nga Iraqi dagiti dikta ti US.

Idi Hunyo, intandu- do ni Obama ti agtultu- loy nga interbensyon

militar iti Pilipinas idi ibaga na a suporta na ti Balikatan *military exercises* segun iti “panaggayem” ti US ken ti neo-kolonyal a kliyen- te nga estado na. Sibubukel a bina- lewala na nga ilinglinged laeng ti Balikatan ti dumakdakkel a perma- nente a presensya militar ken in- terbensyunismo ti US iti Pilipinas. Nagpanawaganen ni Obama para iti panagpalawa kadagiti programa tapno armas na ti militar ti Pilipi- nas. Direkta nga insulto daytoy iti ginasut a ribo a nabiktiman ti Op- lan Bantay Laya ti rehimen nga Arroyo a tartarabayan ken sup- porta na ti militar ti US.

Nairut nga agpampa- nawagan ti Partido Komu- nista ti Pilipi- nas (PKP) iti umili a Pilipi- no ken Ameri- kano ken iti umili dagiti ma- la-kolonya ti US ken adu pay a pa- gilian a lumabla- ban para iti nailian a wayawaya ken de- mokrasya a saan nga agpaal-lilaw iti baro a nabotosan a presidente nga Amerikano. Adda kumpyansa ti PKP a ti dasig a mang- mangged ken umili ti lubong ket agtultu- loy nga agpursige iti pannakidangadang da laban iti imperyalismo ken reaksyon, ken tap- no gun-oden ti nailian ken panggimong a panagwaya, demokrasya ken progreso. **AB**



Alternatibo a kumperensya dagiti migrante, balligi a nairusat

Naiballigian nga inrusat dagiti progresibo nga organisasyon manipud iti nadumaduma a pagilian ti umuna nga internasyunal a kumperensya maipapan kadagiti isyu dagiti migrante ken *refugee*. Ti International Assembly of Migrants and Refugees (IAMR) ket naiyaramid kas alternatibo iti maikadua a Global Forum on Migration and Development (GFMD) a napasamak iti Pilipinas manipud Oktubre 28-30.

Balligi met ti kampanya dagiti grupo a migrante, iti panangidaulo ti International Migrants Alliance, para iti "Zero Remittance Day" idi Oktubre 29. Iti daytoy nga aldaw, saan a nagremit dagiti migrante ti aniaman a gatad kas protesta iti balangkas ken kampanya ti GFMD.

Naisayangkat ti umuna a porum dagiti imperyalista a pagilian ken institusyon kas ti World Bank idi Hulyo 2007 tapno suporta ti agdama nga agus ken palakad ti pananggup-gup ti nababaknang a pagilian ti nalaka a pigsá't tegged. Irasrasonan ken ing-engganyoen na ti ad-adda pay a sangalubongan nga eksportasyon dagiti mangmangged manipud iti napapanglaw a pagilian iti nagan ti "global migration."

Paspasaknapan daytoy ti panawagan a "migrasyon para iti progreso" ken "karbengan iti migrasyon" tapno ikalinteg ti panang-gundaway ti nababaknang a pagilian iti nalaka ken natudyo a pigsá't tegged manipud kadagiti atrasado a pagilian. Parparuaten daytoy a ti panangipatulod kadagiti remitans dagiti migrante iti pakasapulan dagiti pagilian ket alternatibo a wagas nga agturong iti progreso ken solusyon iti kinarigat. Al-allukuyen met daytoy ti panagusar kadagiti remitans dagiti migrante tapno pullatan dagiti depisit iti badyet ken pagbayad iti utang a pangruar dagiti atrasado a pagilian.

Kas pakakitaan ti kinakawaw daytoy a patakan, inurnong ti

GFMD ti kadadakkelan a pagilian a manglablasing kadagiti karbengan dagiti migrante. Ni saan da nga inimbata ditoy dagiti organisasyon a nabayagen a makilablaban para kadagiti karbengan ken benepisyo dagiti migrante.

Lallalo a tumampok daytoy a kalokoan itatta a naiwayat daytoy iti Pilipinas iti panangiwanwan ti rehimen nga Arroyo. Awanen ti markaartap iti daytoy a rehimen iti kinnaarsab kadagiti remitans dagiti migrante uray pay no pakadangran ken pakadadaelan da ken dagiti pamilya da. Sibubukel ti panangawat ti rehimen iti balangkas ti GFMD

gapu ta paspasingkeda daytoy ti *labor export policy* ti estado ken panagsanggir kadagiti remitans kas parasalba ti bangkarote nga ekonomya.

Iti bangir na, nagtitipon iti IAMR dagiti grupo a migrante tapno pangatoen ti tukad ti panagkaykaysa da ken patibkeren ti dangadang da para kadagiti karbengan ken pagimbagan da. Impakita da dagiti kapadasan da iti naggapuan da a pagilian ken dagiti pagilian a pagtragtrabahoan da. Kinondena da ti balangkas ti GFMD ken nagpanawagan da kadagiti gubyerno iti intero a lubong a wakanan ti pwersaan a migrasyon ken sigurado nga adda trabaho iti bukod da a pagilian. Impanawagan da ti panangrespeto kadagiti karbengan dagiti migrante ken pananggarantiya iti benepisyo da.

Pilipinas, panglima kadagiti pagilian a mabisbisinan

PANGLIMA ti Pilipinas kadagiti pagilian a mabisbisinan iti lubong, segun iti World Food Survey ti Gallup International-Voice of the People 2008. Ti listaan dagiti mabisinan a pagilian ket nairuar idi Nobyembre 4 kalpasan ti panagsarbey iti 58,000 katao manipud iti 55 pagilian iti Asia, Africa, Latin America ken Europe idi Hunyo ken Septiembre mainaig ti selebrasyon ti World Food Day.

Segun iti Gallup, 40% dagiti Pilipino ti nagkuna a masansan wenno sagpaminsan nga awan ti makan wenno kurang ti makan iti napalabas a 12 bulan. Rimmuar iti sarbey a kangatoan ti tantos ti bisin iti pagilian iti Metro Manila, ti nasyunal a kabisera no sadino nga apektado ti kagudua a milyon a pamilya.

Dagiti pagilian a nasarbey ti Gallup no sadino a nakaro ti bisin ket ti 1) Cameroon, 55%; 2) Pakistan, 53%; 3) Nigeria, 48%; 4) Peru, 42%; 5) Pilipinas, 40%; 6) Bolivia, 35%; 7) Guatemala, 35%; 8) Ghana, 32%; 9) Mexico, 23%; ken 10) Russia, 23%.

Nakarkaro pay ti resulta ti sarbey ti Gallup kumpara iti makapadanag a resulta ti sarbey ti Social Weather Stations no sadino a rimmuar a 16.8% ti umili a Pilipino ti nakapadas ti bisin iti maikatlo a kwarto ti 2008.

Panangkalub iti iskandalo ti "Euro Generals," kinondena

KINONDENA da Rep. Satur Ocampo ken Teodoro Casiño ti Bayan Muna ti desisyon ni Rep. Rodolfo Albano, tagapangulo ti House Committee on Public Order and Safety, a suspendien ti imbestigasyon iti sumagmamano a nangato nga opisyal ti Philippine National Police (PNP) a naawagan nga "Euro Generals." Saan nga inayunan dagiti progresibo a kongresista ti irasrason ni Albano a ti kaso ket im-imbestigaa-nen ti PNP, National Police Commission (Napolcom) ken ti Office of the Ombudsman.

Da Ocampo ken Casiño ti nangisingasing ti House Resolution No. 843 a nagpanawagan ti naan-anay nga imbestigasyon iti walo nga opisyal ti PNP a nagatender iti miting ti Interpol idia Russia idi Oktubre. Agawid dan idi Oktubre 9 idi harangen dagiti pulis iti erport ti St. Petersburg ni P/Dir. Elizeo de la Paz gapu iti awit na a P6.9 milyon (105,000 euros), nasurok ngem iti ipalpalubos ti linteg. Maysa a lawas a nabati ti heneral kadua ti asawa na bayat a naka-awid met da P/Dir. Director Silverio Alarcio, German Doria ken Romeo Ricardo, Dep. Dir. General Emmanuel Carta ken Ismael Rafanan, Chief Supt. Jaime Caringal ken Supt. Elmer Pelobello.

Iti imbestigasyon ti Senate Foreign Affairs Committee idi Oktubre 23, saan a maipalawag da Interior Secretary Ronaldo Puno (agdama a hepe met ti Napolcom) ken Police Director General Jesus Verzosa no apay a kastoy kadakkel ti balon ti nangangato nga opisyal ti PNP a kakuyog da pay dagiti asawa da. Barya laeng daytoy a gatad no ikumpara iti milyon-milyon a pon-do a pakairamanan ti dadduma pay nga iskandalo a nakaisagmakan da Arroyo ken dagiti alipures na. Uray

no kasta, segun kadagiti mangirup-rupir nga imbestigaaan ti insidente, imoral daytoy iti sango ti nakaro a kinarigat iti pagilian.

Adu ti it-ited a rason da Puno ken Verzosa a mangpalpalibeg no di man mangkalub laeng iti isyu. Kunada, ti awit a kwarta ket "cash

advance," "contingency fund" ken itay naudi, pagatang kano ti ram-ramit iti paniktik. Rumrumuar a malaksid iti P6.9 milyon nga iggem ni De la Paz, dati a comptroller ti PNP, adda pay "contingency fund" a P2.192 milyon wenno P274,070 ti tunggal maysa kadakuada.

Impeachment laban kenni Arroyo, inyendorso ni JDV

INYENDORSO ni dati nga Speaker Jose de Venecia Jr. ti kaso nga *impeachment* laban kenni Gloria Arroyo idi Nobyembre 4. Pinirmaan na dagiti papeles iti konsulada ti San Francisco, California kadua dagiti Pilipino-Amerikano a kameng ti Bayan-USA, Gabriela ken National Alliance for Filipino Concerns. Pormal nga maisumite ti dokumento iti Nababa a Kapulungan iti panaglukat ti sesyon na iti Nobyembre 10. Kagiddan daytoy, imbaga ni De Venecia a kayat na ti agtestigo iti kaso ken ibaga ti amin a personal nga ammo na maipapan kadagiti kaso ti korapsyon a pakairamanan ni Arroyo.

Ti maikapat a kaso nga *impeachment* manipud 2004 ket inyuli idi napalabas nga Oktubre ti anak ni De Venecia a ni Joey, Atty. Harry Roque ken Iloilo Vice Gov. Rolex Suplico. Immuna nga inyendorso daytoy da Rep. Satur Ocampo ken Teddy Casiño ti Bayan Muna ken Rep. Liza Maza ti Gabriela Women's Party. Kabilang iti reklamo ti sipaparang a panagabusos iti poder ti pangulo; dagiti pananglabsing iti konstitusyon; kaso a korapsyon kas ti NBN-ZTE deal, Northrail Project ken P728 milyon a "fertilizer scam"; ken dagiti ekstrahudisyal a pampapatay ken adu pay a pananglabsing iti karbengan-tao.

Kabayatanna, agtultuloy nga agpampanawagan da Archbishop Angel Lagdameo, presidente ti Catholic Bishops' Conference of the Philippines (CBCP); Archbishop Oscar Cruz ti Lingayen-Dagupan (Pangasinan); Bishop Emeritus Jose Sorra ti Legaspi (Albay); Bishop Joel Baylon ti Masbate; ken Bishop Socrates Villegas ti Balanga (Bataan) a kasapulanen a sigida a sukatan ti gubyrno nga Arroyo gapu iti nakakaro a korapsyon daytoy.

Sinuportaan ti Bagong Alyansang Makabayan ken dagiti patriyotiko ken progresibo nga organisasyon ti panawagan da Lagdameo. Simmuporta met ni Archbishop Leonardo Legaspi ti Nueva Caceres (Camarines Sur); ti Bishop-Businessmen's Conference nga indadauloan ni Archbishop Antonio Ledesma ti Cagayan de Oro; National Council of Churches in the Philippines; ken Chief Justice Reynato Puno ti Korte Suprema. Nakikaysa met ni Rev. Eddie Villanueva ti Jesus Is Lord Movement a nagpanawagan iti amin a lider ti CBCP, dagiti simbaan a Protestante ken Evangelical, dagiti lider-relihiyoso a Muslim ken adu pay a grupo a relihiyoso nga agtotongtong ken mangbalangkas ti komun a pagtakderan ken maiparbeng nga ad-dang.